

四庫全書

子部

欽定四庫全書

子部
赤水元珠卷九

詳校官太醫院醫官_汪姜晟

編修_臣倉聖脈覆勘

總校官編修_臣王燕緒

校對官助教_臣卜惟吉

謄錄監生_臣魏繩曾

欽定四庫全書

赤水元珠卷九

明 孫一奎 撰

氣門

內經曰百病皆生于氣氣一也因所觸而為九怒喜悲
恐寒熱驚思勞也故怒則氣上喜則氣緩悲則氣消恐
則氣下寒則氣收炁則氣泄驚則氣亂思則氣結勞則
氣耗

九氣見症

怒氣所至為嘔血為衄泄為煎厥為薄厥為陽厥為胃
滿脇痛食則氣逆而不下為喘渴煩心為消痺為肥氣
為目暴盲耳暴閉筋縱發于外為癰腫

喜氣所至為笑不休為毛革焦為肉病為陽氣所收甚
則為狂

悲氣所至為陰縮為筋攣為肌痺為脈痿男為數洩血
女為血崩為酸鼻辛頰為目昏為少氣不能報息為泣

則臂麻

恐氣所至為破腠肉為骨痠痿厥為暴下綠水為面
熱膚急為陰痿為懼而脫頤

驚氣所至為潮涎為目眇為口吐為痴癰為不省人事

為僵仆久則為痺痺

痺音裾
痺也

勞氣所至為噎病為喘促為嗽血為腰痛骨痿為肺鳴
為高骨壞為陰痿為唾血為冥視為耳閉男為少精女
為不月

思氣所至為不眠為嗜卧為昏目為中痞三焦閉塞為咽嗑不利為痺疸嘔苦為筋痿為白淫為不嗜食

寒氣所至為上下所出水液澄徹清冷

炁氣所至為喘嘔吐酸暴注下迫

凡此九氣內經以五行相勝之理治之故悲可以治怒以愴惻苦楚之言感之喜可以治悲以謔浪褻狎之言娛之恐可以治喜以遽迫死亡之言怖之怒可以治思以污辱欺罔之言觸之思可以治恐以慮彼

忘此之言奪之五者之外炁可以治寒寒可以治炁
逸可以治勞習可以治驚要在審証察脈而施治之
不可執一也

脈沈實者宜下絃急者宜溫虛細微弱者宜補痛在上
者宜散痛在下者宜利氣虛者宜鎮墜氣結者宜疎
順

夫治氣之法惟在適中氣積于中固宜疎順疎導過劑
則又反耗元氣元氣走泄則下虛中滿之証生焉故

曰疎啓于中峻補于下中滿既除下虛斯實此之謂也

治有餘之症脈沈實而中滿大便秘按之疼則宜下法
當用大黃然亦須入桂皮以辛溫和其氣以苦寒泄
其實氣得泄越痛亦隨愈

凡用利藥其法有三駛利則用大黃芒硝溫利則用硫
黃乳粉瀉積則用巴豆礪砂他如磨積化結聚則以
三稜蓬朮為先導引閉塞則以木香檳榔先使溫散

凝滯則以薑桂為主疎順暴戾則以蘇橘為宜補虛益氣則以人參白朮為君墜下輔陽者以黑錫養正為鎮

生生子曰治氣之劑東垣有法可準如枳壳利肺氣多服損胸中至高之氣青皮瀉肝氣多服損真氣木香行中下焦氣香附快滯氣陳皮泄逆氣紫蘇散表氣厚朴瀉胃氣檳榔瀉至高之氣藿香馨香上行胃氣沈香升降真氣腦麝散真氣若此之類氣實所宜設

認冷生氣而槩以燥熱投之是以火濟火病日益甚
丹溪曰氣有餘即是火乃戒好用溫熱治氣者之悞
也

原病式曰氣為陽而主輕微諸所動亂勞傷乃為陽火
之化子和河間治喜怒哀悲恐思之証皆以平心火為
主至于勞者傷于動動便屬陽驚者駭于心心便屬
火故治皆以平心火為主深中病情又曰五志過極
皆為火也若用香辛散氣燥熱傷氣真氣耗散濁氣

上騰猶曰腎虛弗能攝氣歸原遂用降氣鎮墜之劑
不悟肺受火炎子氣亦弱降令不行火無所制丹溪
有曰上升之氣自肝而出中挾相火其熱為甚自覺
其冷非真冷也火氣似水積熱之甚陽亢陰微故有
此証認假作真似是之禍可勝言哉又曰氣無補法
俗論也痞悶壅塞似難于補不思正氣虛者由七情
勞傷所致脾土受傷轉輸失職胃雖受穀不能運化
故陽升陰降而成天地不交之否清濁相混若不補

養邪何由行

脈法

下手脈沈便知是氣極沈則伏濇弱難愈其或沈滑
氣兼痰飲滑者血多少氣濇者少血多氣大者氣血
俱多脈來大而堅者血氣俱實小者血氣俱少

七氣湯 治七情之氣鬱結心腹絞痛

人參 炙甘草

肉桂

各一錢五分

半夏

一錢

姜三片水煎服

指迷七氣湯 治同上

香附

二錢

青皮

陳皮

桔梗

蓬朮

官桂

益

智仁

藿香

半夏

甘草

炙

各等分薑三片棗二枚水煎服

縮砂香附湯

調中快氣治心腹刺痛

香附

炒十兩

烏藥

五兩

炙甘草

二兩

砂仁

二兩

石為末每服一錢紫蘇葉三片鹽少許沸湯調下

大便秘陳皮湯下

一方去烏藥加沈香五錢

大七氣湯 治喜怒不節致臟氣不平心腹脹滿

半夏

茯苓

各四錢

原朴

三錢

紫蘇

二錢

加薑水煎服

木香流氣飲 諸氣痞塞不通胸膈膨脹面目虛浮四

肢腫滿

半夏

厚朴

青皮

紫蘇

香附

甘草

各一錢

陳

皮

二錢

桂

莪朮

丁皮

大腹皮

麥門冬

檳榔

木香 草果 各六分 木通 八分 藿香 白芷 四分 茯苓

白朮 木瓜 人參 石菖蒲

加薑棗水煎服

秘傳降氣湯 上盛下衰氣不升降頭目昏眩痰實嘔
逆胸膈不快怒則氣上驚則氣亂尤宜

骨碎補 訶子 草果 五加皮 半夏 各五分 桔梗

五分 桑白皮 地骨皮 枳殼 陳皮 甘草 各一錢

水煎服

升陽順氣湯 七情所傷及勞役飲食不節滿悶短氣
恐則氣下者尤宜

升麻

柴胡

陳皮

各一錢五分

半夏

人參

各三錢

黃芪

四錢

甘草

黃栢

各五分

川歸

一錢五分

神曲

炒一錢五分

草苴

仁

二錢

每服五六錢薑三片水煎服

蘇子降氣湯

治中脘不快心腹脹滿噎塞喘促咳嗽

痰涎宿食留飲脇下支結及腳氣沖心

方在痰飲門

分心氣飲 憂思留滯致使心胸痞悶脇肋脹滿噫氣
吞酸頭目昏眩日漸瘦弱或大腸虛秘

紫蘇

莖葉
四兩

羌活

半夏

肉桂

青皮

陳皮

桑

白皮

大腹皮

木通

芍藥

炙甘草

赤茯苓

各一
兩

每服五六錢姜三片棗二枚燈心十根水煎

四磨湯 治七情傷感上氣喘息妨悶不食

方在喘門

推氣丸 治三焦痞塞大便澁小便赤黃

方在脹滿門

神保丸 治諸氣刺痛流入背脅及脇下諸藥不效者
方在脹滿門

檳榔木香丸 疎導三焦破痰飲快氣消食

木香 檳榔 枳壳 杏仁 青皮 半夏曲

去皮
麩炒

各一兩

皂角 郁李仁

去白
酥炙

去皮各
二兩

各為末另以皂角四兩用漿水一碗搓揉成膏更

入熟蜜少許和丸如梧桐子大每服五十九薑湯

下

九氣丸 治九氣膈氣風氣寒氣熱氣憂氣喜氣驚氣
怒氣瘴氣積聚堅牢如杯心腹疼痛時作時止

姜黃 甘草 香附

為末每服一錢入鹽少許百沸湯點空心服立效

賺氣散 治胸膈痞悶腹脇虛脹氣不宣通及傷寒兩

脇刺痛攻心

三稜 蓬朮

煨各五錢

白朮

三錢

枳壳

一錢

木香

五分

每服二錢加薑三片水一鍾半煎八分食前服用

砂糖少許壓下

分氣紫蘇飲 治心下脹滿脇疼氣塞嘔逆不止

方在喘門

勻氣散 胸膈脹滿宿冷不消心腹刺痛嘔吐

丁香 檀香

木香

白豆仁

各一兩

藿香

甘草

炙各

八砂仁
兩 四兩

為末每服二錢入鹽一字沸湯調服

復元通氣散 氣不宣通流利并閃挫腰脇氣痛

茴香 穿山甲

蛤粉炒
二兩

延胡索

炒

白丑

炒

陳皮

甘

草

各一兩

木香

五錢

為末每服二錢熱酒調服 一方加乳香沒藥

清膈丸 因濕熱氣滯

黃芩

黃連

炒各五錢

香附

一兩半

蒼朮

二兩

為末取黃熟瓜萋去皮搗爛和丸萊豆大每服三

五十丸

桔梗枳壳湯 諸氣痞結滿悶

桔梗 枳壳 各四錢 甘草 炙一錢二分 生薑五片水煎服

升降六一湯

香附 六兩 藿香 一兩 炒

為末每服二錢白湯下

二聖散 諸氣痛

芫花 醋煮乾 延胡索 炒一兩 五錢

二味為細末每服一錢男子元臟氣痛葱酒調下
婦人血氣痛川歸酒下諸氣痛薄荷湯下小腸氣

痛茴香湯下

勝金散 治男婦一切冷氣

烏藥

酒浸
微炒

茴香

炒

青皮

去白

良姜

等分

右為末每服二錢空心溫酒調下婦人用姜煎童

便調服

半夏湯 治上氣嘔吐不能下食

半夏三錢 陳皮 白朮 甘草炙 桂心各五錢 人參一兩 厚

朴二兩

每服五錢姜五片棗三枚水煎服

手拈散 一切氣痛

草果 延胡索 乳香 沒藥 五靈脂酒拌炒

等分為末每服二錢好酒調下 一方加良姜

一人病氣上沖口中出如烟霧耳內常鳴此衝脈逆上

與八物湯加炒黃連二錢 黃柏三錢 分數劑而愈

蘇合香丸

和劑方

專能順氣化痰并治傳尸骨蒸癆瘵卒

暴心痛鬼魅瘴瘧赤白下利小兒驚搐等症

沈香

麝香

研

丁香

青木香

訶梨勒

煨用皮

安息

香

另為末用無灰酒一升熬膏

香附子

炒去毛

草撥

白朮

白檀

香

硃砂

研飛

烏犀角

各二兩

薰陸香

另研龍腦

研

蘇合油

入安息

香膏內

右末研勻用安息膏并蜜丸梧子大空心溫水化

下四丸酒亦可

諸見血症摠論

內經曰陽明厥逆喘咳身熱善驚衄吐血又曰大怒則形氣絕而血菀于上又曰脾移熱于肝則為驚衄胞移熱于膀胱則癰而尿血又曰結陰者便血一升再結二升三結三升夫血者生化于脾總統于心藏受于肝宣布于肺施泄于腎灌溉一身陰氣一傷變生多病妄行于上則吐衄衰涸于中則虛勞忘反于下則便紅移熱膀胱則癰閉溺血滲透腸間則為腸風

陰虛陽搏則為崩中濕蒸熱淤則為滯下熱極腐化則為臙血火極似水血多紫黑熱勝于陰則為瘡瘍濕滯于血則為痛痒隱疹皮膚則為冷痺畜之在上則人喜忘畜之在下則人喜狂墮恐跌仆則淤血內凝又細分之則咳血衄血出于肺嘔吐出于胃痰涎血出于脾咯血唾血出于腎便血清者屬營虛有熱濁者屬熱與濕色鮮者屬火黑者火極血與泄物並下者屬有積或絡脈傷也尿血因房勞過度陰虛火

動以致營血妄行而或者又以此為得之虛寒當以
脈別有嘔吐紫凝血者原病式云此非冷凝由熱甚
銷鑠以為稠濁而熱甚則水化制之故赤兼黑而紫
也又有汗血者由夫大喜傷心喜則氣散血隨氣行
故也又下血先見血後見便為近血自大腸來先見
便後見血此遠血自小腸來腸胃中本無血良由氣
虛腸薄故血滲入而從下出也東垣曰除傷寒家衄
血外雜病見血多責其熱旨哉言乎大凡血上行為

逆其治難下行為順其治易若血上行或唾或嘔或吐忽變而下行為惡痢者吉兆也丹溪曰口鼻出血皆是陽盛陰衰有升無降血隨氣上越出上竅法當補陰抑陽氣降則血歸經矣

素問曰有病胸脇支滿者妨於食病至則先聞腥臊臭出清液先唾血四肢清目眩時時前後血病名為何何以得之岐伯曰病名血枯此得之年少時有所大脫血若醉入房中氣竭肝傷故月事衰少不來也帝

曰治之奈何復以何術岐伯曰以四烏鰂骨一蘆茹二物并合之丸以雀卵大如小菰以五丸為後飯飲以鮑魚汁利腸中及傷肝也

王海藏云胸中聚集之殘火腹裏積久之太陰上下隔絕脈絡部分陰陽不通用苦熱以定于中使辛熱以行于分升以甘溫降以辛潤化嚴肅為春溫變凜冽為和氣汗而愈也然餘毒土苴猶有存者周身陽和尚未泰然胸中微躁而思涼飲因食冷物服涼劑陽

氣復消餘陰再作脈退而小絃細而遲激而為衄血
唾血者有之心肺受邪也下而為便血溺血者有之
腎肝受邪也三焦出血色紫不鮮此重沓寒濕化毒
凝泣水穀道路浸積而成若見血証不詳本源便用

涼折變乃生矣

陽証溢出血
陰証下如豚肝

上而血者黃芪桂枝湯 白芍當歸湯

中而血者當歸建中湯 增損胃中湯

下而血者芍歸朮附湯 桂附六合湯

若三血証在行陽二十五度見黃芪四君子主之

若三血証在行陰二十五度見當歸四逆加吳茱萸主之

生生子曰按海藏此論雖為傷寒而發實戒用藥者要認血來本原不可妄治以致變亂夫治血當明血出何經時師多宗丹溪有曰吐血衄血多是火載血上錯經妄行越出上竅此論固是猶有未盡乃所以啓

後人過用寒涼之惑也夫火者無形之氣也非水可
比安能稱載蓋血隨氣行氣和則血循經氣逆則血
亂氣有餘即是火也實由氣逆而血妄行兼于火化
因此為甚經曰怒則氣逆甚則嘔血暴瘧內逆肝肺
相搏血溢鼻口是也又東垣曰血妄行上出于鼻口
者皆氣逆也況血得寒則凝得熱則行見黑則止迹
此觀之治血若不兼之調氣而純以寒涼是施則血
不歸經而且為寒涼所凝滯雖暫止而復來也且脾

統諸血寒涼傷脾脾虛尤不能約束諸血其變証可勝言哉

素問示從容論曰夫傷肺者脾氣不守胃氣不清經氣不為使真臟壞決經脈傍絕五臟漏泄不衄則嘔

綱目云傷肺即傷氣也當于氣虛不能攝血條叅治

戴元禮云吐血者榮氣溢入濁道留聚膈間滿則吐血名曰內衄宜蘇子降氣湯加人參阿膠飲酒太過傷胃吐血用理中湯加青皮梔子乾葛川芎勞太

過吐血不止蘇子降氣湯加人參芍藥打損吐血
黑神散童便調服 有時或吐血兩口隨即無事過
數日又發經年累月不愈者宜黑神散吐血發渴名
為血渴也或四物湯十全大補湯

統旨云吐血先哲皆以為熱其因于寒者理亦有之何
則寒邪屬陰人之榮血亦屬陰古人云風傷衛寒傷
榮各從其類人果身受寒邪口受寒物邪入血分血
得冷而凝則被寒矣在上則從口而出在下則從便

而出若此者實病機之所有焉得為盡無也但其血色之黑與吐血因熱極而反兼水化者相似茲則宜于脈証間求之脈微遲而身又清涼者寒也脈洪數而身又煩熱者熱也寒則溫之熱則清之治法大不同矣

嘔吐血

生生子曰吐血成碗吐出者甚至有出而盈盆者丹溪云多是陽盛陰虛故血不得下行因火炎上之勢而

上出脈必大而芤大者發熱芤者血滯與失血也

又曰有氣虛中寒陰陽不相守血乃妄行而吐出者經所謂陽虛陰必走者是也當用四物理中湯加乾姜甘草煎服中溫則血自歸經矣切不可投苦寒之劑丹溪云山梔子最能清胃脘之血先吐紅後見痰嗽多是陰虛火動痰不下降四物湯加痰藥火藥先痰嗽後見紅多是痰積熱降痰火為急痰嗽涎帶血出此是胃口清血熱蒸而出重者梔子輕者藍實

或暴吐紫血一碗者無事吐出為好此熱傷血死于
中用四物湯解毒湯之類吐血挾痰積吐一二碗
者亦只補陰降火四物湯加火劑之類挾痰若用
血藥則泥而不行只治火自止吐血乃火病也大
吐血不止以乾姜炮黑為末童便調從治喉脫痰
血荊芥散妙又云嘔吐血出于胃也實者犀角地
黃湯主之虛者小建中湯加黃連主之

千金方云吐血有三種有內衄有肺疽有傷胃內衄

者出血如鼻衄不從鼻孔出是近在心肺間津液出還流入胃中或如荳羹汁或如切鰕血凝停胃中因即滿悶便吐或出數斗至一石者是也得之于勞倦飲食過常也

按韻書鰕音
勘凝血也

肺疽者或飲酒後熱毒滿悶吐之時血從吐後出或一合半合半升一升是也

傷胃者因飲食大飽之後胃中冷不能消化便煩悶強嘔吐使所食之物與氣共上衝蹶因傷裂胃今吐

血色鮮正赤腹亦絞痛自汗出其脈緊而數者為難治也

劉宗厚曰凡治血必血屬之藥欲求血屬之藥其四物之謂乎河間謂隨証輔佐謂之六合湯者詳言之矣余故陳其氣味專司之要不可不察夫川芎血中氣藥也通肝經性味辛散能行血滯于氣也地黃血中血藥也通腎經性味甘寒能補真陰之虛也當歸分三治血中主藥也通肝經性辛溫全用能活血各歸

其經也芍藥陰分藥也通脾經味酸寒能涼血治血
虛腹痛也若求陰藥之屬必于此而取則焉脾胃論
有云若善治者隨經損益摘其一二味之所宜為主
治可也此特論治血病而求血藥之屬者也若氣虛
血弱又當從仲景血虛以人參補之陽旺則生陰血
也若四物湯者獨能主血分受傷為氣不虛也輔佐
之屬若桃仁紅花蘇木血竭丹皮者血滯所宜蒲黃
阿膠地榆百草霜棕櫚灰者血崩所宜乳香沒藥五

靈脂凌霄花者血痛所宜茯苓瑣陽牛膝枸杞子益
母草夏枯草敗龜板者血虛所宜乳酪血液之物血
燥所宜乾姜桂者血寒所宜生地苦參血熱所宜特
取其証治大畧耳若能觸類而長可謂應無窮之變
矣

脈訣舉要曰諸症失血皆見乳脈隨其上下以驗所出
大凡失血脈貴沈細設見浮大後必難治

治火之劑

大薊散 治辛熱傷肺嘔吐血或一碗或半升名曰肺

疽

大薊根 犀角屑 升麻 桑白皮 蒲黃 杏仁

去皮 桔梗 各二錢 甘草 炙五分

右分作二服每服薑三片水煎服

四生丸 治吐衄血熱妄行

生荷葉 生艾葉 側柏葉 生地黃 各等分

搗爛為丸如鷄子大每服一九用水二鍾煎至一

鍾去渣服

犀角地黄湯 治血積胸中吐血衄血

犀角鎊 赤芍藥 牡丹皮 生地各一鎊

水煎服

此方若有痰者及氣逆不降者服之皆不效予每用加枳殼桃仁滑石

茜根湯 治吐血咯血嘔血等症

四物湯加童便浸香附一鎊五分 茜草根二鎊半
忌鉄

水煎服二三服立愈

治吐血

大黃末一錢 生地黃汁一合

水半鍾煎四五沸服即愈

又方

好墨

煨去膠氣

為細末每服二錢

以白湯化阿膠清調服

治吐血暴甚昏暈不止

人參

一兩

為末用雞子清調如稀糊以匙挑服服盡效

五更服之尤妙

治吐血

生地黃

五斤搗汁

生蜜

二斤半

共以瓦器盛貯鍋內重湯桑

柴文武火熬三日夜取出入人參末

四兩

茯苓末

六兩

攪勻不拘時服此即瓊玉膏也

又方加入青蒿汁熬膏再加檳榔末一兩以降其氣

使下行也

奇方 治飲酒過多蘊熱胸膈以致吐血衄血

葛花

二兩

黃連

四兩

右為末以大黃末熬膏為丸如梧桐子大每服百

丸溫湯下或煎服亦可

辰膠散 治大人小兒吐血

阿膠

炒蛤粉各一

雨

辰砂

少許

右為末藕節搗汁和蜜調下食後服

龍腦雞蘇丸 治膈熱咳嗽或吐血衄血

方在火熱門

茯苓補心湯 治心虛為邪氣所傷吐血

方在心痛門

藕節散 治吐血不止

藕汁 生地黄汁

生蜜

五匙

大薊汁

各三合

右和勻每服一小鍾不拘時服

拔萃犀角地黄湯 治熱甚而血積胸中

生地黃

二兩

黃芩

黃連

各一兩

大黃

五錢

每服一兩水二鍾煎一鍾食後服

雙荷散 治辛暴吐血

藕節

七個

荷葉頂

七個

搗碎入蜜用水二鍾煎八分去渣溫服或研末蜜

調下

枇杷散 治暑毒攻心嘔吐鮮血

方在暑門

龍肝膏 治吐血不止

伏龍肝_{一兩} 生地汁 麥冬汁 小薊汁 藕汁_{各三合}

姜汁_{一合}

入蜜半匙慢火熬成膏每服一匙

帶補之劑

奇方 治肺損嗽血吐血

生地

四兩取汁

鹿角膠

一兩炒為末

右以地黄汁拌和每服三錢童便加姜汁少許調

下

側柏散 治內損吐血下血或用酒太過勞傷于內其

血妄行出如湧泉口鼻皆流須臾不救則死

側柏葉

一兩半蒸焙

人參

荊芥穗

燒灰存性各一兩

為末每服二錢麴一錢新汲水調如糊噉服

麥冬飲子 治吐血久不愈者

五味子

十粒

麥門冬

黃芪

各一錢

當歸

人參 生

地黃

各五分

水煎服

白朮散

治飲食過度負重傷胃吐血

白朮

人參

黃芪

炙

白茯苓

各二錢

炙甘草

一錢

山

藥 百合

柴胡

前胡

各六錢

分作三帖每服加姜棗水煎

又方 治同上

理中湯加葛根

鷄蘇散 治勞傷肺經吐紅咽喉不利

紫蘇葉 白茅花 黃芪 生地 阿膠 各二錢 麥門

冬 桑白皮 桔梗 貝母 蒲黃 炒 甘草 加

姜棗煎服

天門冬湯 治思慮傷心吐衄不止

天門冬 白芍藥 麥門冬 生地黃 遠志 藕

節 黃芪 阿膠 沒藥 當歸 甘草 各一錢五分

人參 一錢

分作三服 姜三片水煎服

蓮心散 治同上

蓮子心

糯米

各五
十粒

為末空心溫酒調服

歸脾湯 治思慮傷脾心多健忘其血妄行或吐或下

白朮

茯神

黃芪

炙

人參

酸棗仁

炒各二
錢五分

木香

一錢炙甘草

五分

圓眼肉

五枚

姜一片棗一枚水煎服

赤茯苓湯 治大怒傷肝氣逆于胸吐血衄血

赤茯苓 人參 桔梗 陳皮 各三錢 麥門冬 芍藥

檳榔

各一錢五分

分二服姜三片水煎

丹溪方 治見血後脾胃弱精神少血不止者

人參 一錢

黃芪 二錢

五味子 十三粒

芍藥

甘草

當歸

麥門冬

各五分

加鬱金尤妙水煎服

又方 治同上

人參 白朮 茯苓 陳皮 各一錢 甘草 川芎 半

夏曲

各五分

神曲

青皮

各三分

水煎服

如胃不和加藿香

渴者加葛根

五分

痰結塊者加貝母

錢一

黃芩

橘紅

各五分

小便赤加

黃栢

五分

大便秘結加當歸

七分

心煩加酒晒黃連

五分

小便滑加牡蠣

若見血多去半夏恐燥加生地

錢一牡丹皮

五分

桃仁

三分

若胃中不足飲食少進加炒

山梔

五分

若血溢入濁道留聚膈間滿則吐紅蘇子

降氣湯加人參阿膠

各五分

上膈熱壅吐血者以四

物湯加荊芥阿膠

各五分

更不止于本方中加大黃

滑石

各五分

胃傷吐血宜理中湯加川芎乾葛

各五分

此是飲酒傷胃也 吐血不止茜根為末用二錢

待冷食後服良

必勝散 治男婦血妄流溢或吐或咳或衄

小薊 人參 蒲黃 當歸 熟地 川芎 烏梅

去核各

一兩

每服六錢水煎服

大阿膠丸 治肺虛客熱咳嗽咽乾多唾涎沫或有鮮
血勞傷脾胃吐血嘔血並皆治之

方在後咳血門

止血之劑

白芨散 治吐血

白芨末井花水調服每服二錢

地黃飲 治衄血吐血

新生地搗煮日服數升三日愈

此方治經閉效甚

乾姜散 治吐血不止

姜炭為末童便調服

治諸血上行用韭菜汁姜汁童便磨鬱金飲之其血自

清如無鬱金以山茶花代之

又方 用血餘灰

三錢

為末冷水調下

治吐血咯血用藕節搗汁飲之

花蕊石散 治勞証五內崩損湧噴血出成升斗者服

之立止

花蕊石

煨過

為末童便一鍾煎溫調藥末三錢極甚者

五錢食遠服如男子病則和酒一半婦人病則和醋
一半與童便和調服之立止其瘀血化為黃水服此
藥後患人必疎解其體却服獨參湯補之

調氣止血之劑

芎附散 治衄吐血不歸經

川芎

二兩

香附

四兩

為末每服二錢茶湯調下

綱目云治怒氣傷肝氣而嘔血以黃連香附青黛柴胡

甘草平其肝自愈宜服赤茯苓瀉心湯

大七氣湯入川芎煎調蘇合香丸

咳血

咳嗽有聲而痰內有血者是也或咳出純是血痰

丹溪云乃火升痰盛身熱多是血虛四物湯加減用

丹溪云痰帶血絲出童便竹瀝止之經血逆行或血

腥吐血唾血韭汁服立效咯血用姜汁童便青黛

入血藥中如四物湯牛膝膏地黃膏之類

又方用韭汁童便二物加鬱金研細末合和服之其血自消

脈大發熱喉中痛者是氣虛用參芪蜜炙黃柏荆芥地

黃當歸韭汁童便姜汁磨鬱金飲之其血自消

此補

兼解鬱也

統旨云嗽出痰內有血者名咳血又云嗽血其因有二熱壅于肺者易治不過涼之而已久嗽損於肺者難

治此已成勞也熱嗽有血宜金沸草散加阿膠痰盛
加瓜蒌仁貝母勞嗽有血宜補肺湯加阿膠白芨嗽
血而氣急者加杏仁痰中帶血絲者此是陰虛火動
勞傷肺臟宜滋陰保肺湯

入方

香附

童便浸

北杏仁

童便浸去皮尖炒

山梔仁

炒

青黛

海粉

瓜蒌仁

訶子

馬兜鈴

為細末入白礬砂少許煉蜜少加姜汁為丸噙化

一丸白湯下

天一丸 此壯水之主以鎮陽光劑也與前方相兼服治陰虛火動咳血等症甚效

懷地黄 牡丹皮

黃栢

童便浸
晒乾

知母

童便浸
晒乾

枸杞

子 五味子

麥門冬

牛膝

白茯苓

為末煉蜜為丸梧子大空心白湯吞下八九十九丸

天門冬丸 潤肺止嗽治咯血吐血咳血

方在咳嗽門

丹溪鹿黃丸 治酒色過度飢飽失時吐血咳血痰血

神效

枇杷葉 款冬花 北紫苑 杏仁去皮尖 木通 鹿

茸炙 桑白皮各一兩 大黃五錢

為末煉蜜為丸臨睡含化

七傷散 治血汚血鬱血熱勞嗽吐血血痰丹溪方

黃藥子 白藥子各一兩 赤芍藥七錢五分 玄胡索 知母

各五錢 鬱金二錢半 當歸五錢 山藥 乳香 沒藥 血竭

各二錢 為末每服二錢茶湯下

綱目云肺熱此方極有交本草云白藥子黃藥子治肺熱大有功一方紅花當歸煎湯調下

海藏甘桔加阿膠紫苑湯 治肺痿咳唾膿血

方見綱目傷寒咽痛門

羅太無大阿膠丸 治血虛嗽血吐血

阿膠微炒 卷栢 生地 熟地 大薊 山藥 鷄蘇

葉 五味子各一兩 栢子仁另研 麥門冬 茯苓 百

部遠志人參防風

各五錢

為末煉蜜丸如彈子大煎小麥麥門冬湯嚥下一

丸

綱目云保養精血純補劑也血虛有潮熱者宜之

劫勞散 治肺痿痰嗽痰中有紅線盜汗發熱過則冷

飲食減少

方在咳嗽門

陳日華云有一女子及并病症甚危百藥不效偶得

此只一料除根

羅太無五味黃芪散 治嗽咯血成勞眼痛四肢困倦

脚膝無力

麥門冬 熟地黃 黃芪 桔梗 白芍藥 五

各五錢

味子

各二分

人參

二錢

甘草

一分

每服五錢水煎服一日三服

人參黃芪散 治虛勞客熱肌肉消瘦四肢倦怠五心

煩熱咽乾頰赤心沖潮熱盜汗減食咳嗽臟血

人參一兩 秦艽

茯苓

各二兩

知母

二錢五分

桔梗

一兩

桑白皮

一兩

紫苑

柴胡

各二兩

半夏

洗一兩

黃芪

三兩

甲

去裙酥

每服五錢水煎服

人參蛤蚧散

治二三年間肺氣上喘咳嗽咯吐膿血

滿面生瘡遍身黃腫

蛤蚧

一對全者河水浸五宿逐日換水洗去腥氣酥炙黃色

杏仁

去皮尖炒五兩

甘草

炙三兩

人參

茯苓

貝母

知母

各三兩

桑白皮

二兩

為細末每日如茶點服神效

海藏云蛤蚧補肺勞虛嗽治久嗽不愈肺間積虛熱久則成瘡故嗽出膿血曉夕不止喉中氣塞胸膈噎痛用蛤蚧阿膠生犀角鹿角膠羚羊角各一兩除膠外皆為屑次入膠分四服每服用河水三升於銀石器內慢火煮至半升去渣臨卧微溫細細呷之其渣俟服盡再槌都作一服以水三升煎至半升如前服病人久虛不喜水當減水

蛤蚧係補中有通久嗽不愈者宜之

麥門冬湯 治傷寒後傷肺咳唾膿血胸脅脹滿上氣

羸瘦

麥門冬

桑白皮

生地黄

各一兩

紫苑

竹茹

半

夏

洗

桔梗

炒

麻黃

去根節各七錢五分

五味子

甘草

各五錢

為粗末每服五七錢加棗三枚去核姜三片水煎

服

羅太無續斷散

治骨蒸勞熱傳屍瘦病潮熱煩躁喘

嗽氣急身疼盜汗兼治咳嗽吐膿血

續斷

紫苑

桔梗

竹茹

五味子

各三錢

生地

桑白皮

各五兩

甘草

炙二兩

赤小豆

半斤

每服五七錢入小麥五十粒水煎日三服

海藏紫苑湯 治咳嗽吐血虛勞症肺痿癰癰

方在咳嗽門

本事方云治勞瘵吐血損肺及血妄行神傳膏用剪草
一觔婺台州皆有惟婺州者可用狀如茜草又加細
辛每用一觔淨洗為末加入生蜜一觔和為膏以器
盛之不得犯鉄九蒸九晒日一蒸曝病人五更起面

東坐不得語用匙挑藥如粥服每服四匙良久用稀粟米粥壓之藥冷服粥飲亦不可太熱或吐或下皆不妨如久病肺損咯血只一服愈尋常咳嗽血妄行每服一匙可也神驗

治肺經嘔咳諸血及痰中有血初生用蘿蔔汁半盞入鹽少許服之立效如無生蘿蔔用蘿蔔子一錢紫蘇

葉一錢同煎服次用鷄蘇散加阿膠治之

本草云蘿蔔大下氣

氣下則血亦下也

經驗方 治咳嗽甚者或有吐血

鮮桑白皮

一觔米泔浸三宿
淨刮去上黃皮

右剉細入糯米四兩焙乾同搗為末每服一二錢
米飲調下

本事方 治久嗽咯血成肺痿及吐白涎胸膈滿悶不
食扁莖散

扁莖 生薑

各五錢

枇杷葉

去毛

半夏

人參

白朮

各一

分 白茅根

三分

右水三升煎一升去渣加檳榔末一錢和勻分作四服不拘時候

千金方 治上氣咳嗽喘息喉中有物唾血

生姜汁

杏仁

各二升

糖

蜜

各一升

猪膏

二合

右五味先以猪膏煎杏仁色黃出之以紙拭令淨搗如膏和姜汁蜜糖等合煎令可丸每服杏仁一枚日夜服六七服

款花補肺湯

人參

麥門冬

各一錢二分

五味子

十五粒

款冬花

紫苑

桑白皮

炒各一錢

當歸

一錢五分

芍藥

知母

貝母

茯苓

橘紅

各八分

甘草

五分

水煎服

寧嗽湯

五味子

十五粒

茯苓

一錢

桑白皮

一錢二分

陳皮

一錢

知母

一錢

兜鈴

一錢五分

川芎

一錢

麥門冬

一錢二分

粉草

五分

滋陰保肺湯

黃栢鹽水炒 知母 天門冬一錢二分 當歸一錢五分 芍藥 生

地 橘紅 紫苑 桑白皮炒各八分 大粉草五分 阿膠一錢

二分蛤粉炒 五味子十五粒

水煎服

咯血唾血痰涎血

咯血者喉中常有血腥一咯血即出或鮮或紫者是也
又如細屑者亦是也治法四物入姜汁童便青黛
之類有咯出痰帶血絲者同治但宜加痰火藥

唾血者鮮血隨唾而出者是也二者皆出于腎亦有瘀血內積肺氣壅遏不能下降用天門冬知母貝母桔梗黃栢熟地遠志或加炮姜

生生子曰唾血症曾見二人口中津唾皆是紫黑血水如猪血之色晦而不鮮形瘦體熱盜汗為有怫鬱所致如此者年餘治以清痰降火開鬱等藥或止或發其一乃妊婦也後因注船大吐痰涎數碗其症再不復萌由是觀之唾血亦有木鬱之症不可不知

痰涎血出于脾以葛根黃芪黃連芍藥當歸甘草沈香之類主之

丹溪曰咯血痰帶血絲出者用姜汁青黛童便竹瀝入血藥中用如四物湯如地黃膏牛膝膏之類

滑伯仁曰寒涼之溢水乃瀉火也溫熱之助火乃折水也衄血手陽明循手經上行入清氣道中咯血乃入于所合也所合肺也

又曰咯血為病最重且難治者以肺手太陰之經氣多

血少又肺者金象為清肅之臟今為火所制迫而上
行以為咯血逆之甚矣上氣見血下聞病音謂喘而
咯血且咳嗽也

唾血責在下焦陽火煎迫而為之也腎主唾為足少陰
少血多氣故其証亦為難治

恩袍散 治咯血吐血唾血及煩躁咳嗽

生蒲黃 乾荷葉 茅根

各等分

為末每服三錢濃煎桑白皮湯食後溫服

丹溪方 治咯血

桑白皮

一錢五分

半夏

炒

知母

貝母

茯苓

各一錢

生地

黃陳皮

各一錢

阿膠

炒

甘草

杏仁

炒各五分

山梔子

桔梗

各七分

柳桂

二分入此

以治上焦

姜葱白水煎服

又方 治咯血衄血

白芍藥

一兩

犀角

二錢五分

各為末新汲水調服一錢血止為限

又方 治咯血

荷葉

焙乾

為末米湯調下二錢

又方 治痰中血

白朮

一錢五分

貝母

芍藥

桑白皮

桃仁

各一錢

甘草

三分 山梔

炒黑一錢二分

牡丹皮

一錢五分

水煎服

又方 治痰中血

橘紅

一錢五分

半夏

茯苓

貝母

牡丹皮

桃仁

各一

錢

黃連

甘草

大青

各五分

姜三片水煎服

又方

治痰中血

橘紅

二錢

半夏

茯苓

白朮

枳殼

黃芩

桑白

皮

各一錢

五味子

十五粒

甘草

三分

人參

五分

或加青黛五分水煎服

地黃散

治一切吐血咯血能解一切毒及諸熱煩躁

茜草根

四錢

大苴子

黃藥子

甘草

各二兩

右為末每服二錢新汲水調下加入參二兩治痰嗽有血

又方 治吐血熱渴

茅根一味絞汁飲之一日三服效

治虛勞久嗽咯血

五倍子

炒

為末每服一錢溫茶調勻米飲送下

白芨散 治咯血

白芨

一兩 藕節 五錢

為細末每服一錢白湯調下神效 或云白芨下咽直至血竅竅為之填而血止也 醫說云治肺損咳血殊效

四血散 治衄血吐血便血

益元散加當歸井泉石 淋者加梔子莖中痛加蒲黃 水瀉加車前子 米飲調下

元戎方 治鼻血口血大小便血服時隨病上下食前
後服

丹參 蒲黃 紫蘇 滑石

等分

為末調服

鼻血

陳無擇曰衄者因傷風寒暑濕流傳經絡涌泄于清氣
道中而致者皆外所因積怒傷肝積憂傷肺煩思傷
脾失志傷腎暴喜傷心皆能動血隨氣上溢而致者

卷九
皆內所因飲酒過多啖炙煖卒熱或墜墮車馬傷損而致者皆不內外因也

原病式曰衄者陽熱怫鬱于於陽明而上熱則血妄行而鼻衄也

丹溪云衄與吐血同涼血行血為主犀角地黃湯加鬱金

又曰衄血出于肺以犀角升麻梔子黃芩芍藥生地黃紫苑丹參阿膠之類主之

愚謂言肺者以竅言也言陽明者以血海言也其治

亦多

相須

戴元禮曰鼻通於腦血上溢於腦所以從鼻而出治宜
茅花湯調止衄散服之 有頭風自衄頭風纔發則
血不止治頭風兼止衄之劑 有因虛致衄者此為
下虛上熱不宜過用涼劑宜四物湯加參芪沈香磨
服 傷濕而衄腎著湯加川芎 伏暑而衄茅花湯
調五苓散 上膈極熱而衄犀角地黄湯加黃芩茅
花荊芥虛者茯苓補心湯 飲酒過多而衄茅花湯

加川芎乾葛 病衄愈後血因舊路一月或三四衄
又有洗面而衄日以為常四物湯加阿膠蒲黃仍佐
以蘇子降氣湯使血隨氣下

統旨謂風行水動氣行血流治衄者則知血藥以治衄
而不知氣降則血歸經古人所以血藥中必加氣藥
一二味如上所謂蘇子降氣湯之類是也前人謂身
熱則死寒則生亦是大槩言之耳豈無熱生而寒死
者乎必兼詳脈症而後可也

治風寒之劑

桂枝湯

方見傷寒

治熱之劑

犀角地黄湯

方見吐血門

茜根散 治鼻衄不止

茜根

阿膠

蛤粉炒

黃芩

側柏葉

生地

各一兩

甘草

五錢

加薑三片水煎服

黃芩芍藥湯 治鼻血不止

黃芩 芍藥 甘草

水煎服

川芎三黃散 直指方 治實熱衄血

大黃 濕紙煨 川芎 黃連 黃芩 各等分

右為末每服二錢井水調下食後服

黃連散

經驗方

治大人小兒盛熱乘于血血隨熱氣散溢

于鼻謂之鼻衄凡血得寒則凝澁結聚得熱則流散

妄行

黃連

黃芩

栝葉

甘草

各等分

豆豉

三十粒

右每服一兩水煎服

治血衄血汗以人中白新瓦上焙乾為末入麝香少許

酒調下

生地黃湯

治榮中有熱及肺壅鼻衄生瘡一切丹毒

等疾

生地

赤芍

當歸

川芎

各等分

水煎食後溫服 若鼻衄加蒲黃生瘡加黃芩丹
毒加防風

濟生麥冬飲 治衄血不止

麥門冬

生地黃

各等分

每服一兩水煎服

一方

治鼻衄及酒疸黃沙淋

萱草根搗汁一鍾生薑汁相和時時細呷

貫衆散 治鼻衄

貫衆根 為細末水調一錢立止

羅太無寸金散 治鼻衄不止

黃藥子

五錢

土馬毬

五錢

有足者

生甘草

一錢

右為末每服二錢新水調下未止再服立差

本草云土馬毬即苔與垣衣之類垣衣生牆垣之側
土馬毬生牆垣之上背陰古牆上有

一方 治衄血

蛙竹末米糊調下二錢效

茅花湯 治衄

茅花一大握剉水煎飲之立止

清熱帶補之劑

生地黄散 治咯血衄血吐血諸血証皆治之

枸杞子 柴胡 黃連 地骨皮 天門冬 白芍

藥 甘草 黃芩 生地黄 熟地黄

各等分

水煎服 治便血加地榆

海藏龍腦鷄蘇丸 治上焦熱除煩解勞去肺熱咳衄

血熱驚悸脾胃口瘡吐血肝膽熱泣出口苦腎熱神

志不定上而酒毒膈熱消渴下而血滯五淋血崩等疾

薄荷一麥門冬去心阿膠炒黃芪 蒲黃炒人參已上

藥 木通 銀柴胡 各二兩剉同木通 生地黃六甘草

一兩 五錢 黃連一

右為細末好蜜二觔先煎一二沸然後下生地黃

末不住手攪勻加木通柴胡汁浸熬成膏勿令火
緊焦了然後加前藥末和丸如豌豆大每服二十
丸白湯下 虛勞虛煩梔子湯下 肺熱黃芩湯
下 心熱驚悸恍惚人參湯下 咯唾吐衄麥門
冬湯下 肝熱防風湯下 腎熱黃柏湯下 治
五淋及婦人漏下車前子湯下 痰嗽者生薑湯
吞下 莖中痛蒲黃滑石水一鍾調下 氣逆者
橘皮湯下 室女虛勞寒熱潮作柴胡人參湯下

地黄飲 治衄血往來久不愈者甚效

生地黄 熟地黄 枸杞子 地骨皮

各等分

右為末每服二錢蜜湯調下日三服

補虛之劑

止衄散

黃芪

六錢

赤茯苓

白芍藥

當歸

生地

阿膠

炒各

三錢

為末以黃芪湯調下三錢

產後鼻衄

大全云產後口鼻黑氣起及鼻衄者名胃絕此証不可
治遇有此者急取緋線一條并產婦頂心髮兩條緊
繫中指節即止

治產後鼻衄中風以荊芥為末童便調下氣虛者不可
用

齒衄

又名牙宣

統旨云血從齒縫中或齒根出者謂之齒衄有風壅有

腎虛風壅者消風散外以祛風擦牙散腎虛者以腎
主骨齒者骨之餘虛火上炎服涼藥而愈甚此屬腎
經下虛而上盛宜鹽湯下安腎丸間服黑錫丹仍用
青鹽炒香附黑色為末擦之亦有胃熱而牙斷出血
者宜清其熱清胃散主之

附方

肘後方 治牙血不止

苦竹茹以醋浸一宿含之

千金方 治同

礬石一兩滾湯三升煮取一升先拭齒乃含之

又方 濃煎竹葉湯入鹽少許含之

衍義方 治齒縫出血不止

用紙撚蘸蟾酥少許插入出血處立止

靈苑方 治虛氣攻牙齒痛血出牙齦痒痛

骨碎補二兩細剉炒黑色為末擦之早晨漱久吐出

臨睡擦畢俟津液滿口嚥之

丹溪治陰虛牙齒出鮮血氣鬱

四物湯加香附牛膝生甘草側柏葉服

羅太無治牙痛腫痺動搖牙斷宣露出血口氣等疾

當歸 藁本 地骨皮 防風 白芷 槐花 川

芎 甘草 升麻 土細辛

各等分

為末擦痛處甚者取三錢水鍾半黑豆半合生薑
三片煎至一鍾乘熱漱之冷則吐出

本事方 治一切牙疼風熱斷常出鮮血以至崩落口

臭不可近人者宜服之

大黃

米泔浸
軟切片

生地黄

大者
薄切

右二味旋切各用一二片合定貼所患牙上一夜

即愈未全可再如前用忌說話恐引風毒津液漬

患處

舌衄

舌上或出血如簪孔者香薷汁服一升日三服

又方髮灰二錢米醋調敷舌上血出處

文蛤散 治熱壅舌上出血如泉

五倍子

洗

白膠香

牡蠣粉

各等分

右為末每用少許摻患處或燒熱鉄熨孔上

槐花散 治舌上無故出血如線

槐花

炒

為末摻之仍用麥冬煎湯調下妙香散

妙香散

方在婦人門

第二卷夢與
鬼交條下

肌衄 一名血汗

河間定命散 治膽受熱熱血妄行鼻中衄蟻并血汗不止

硃砂 寒水石 麝香

為末每用五分新汲水調下不拘時候看老幼虛實加減

肌衄者血從毛孔而出前人多主于肺熱

古方以男胎髮燒灰撲之

大全竹茹湯

方見便血條

黃芪建中湯 辰砂妙香散

小便血

尿血不痛痛者乃血淋也當與淋門參治

經云胞移熱于膀胱則癰溺血

仲景曰熱在下焦則尿血亦令淋閼不通

玄珠經云小便出血是心伏熱在于小腸宜鏡面竹自

然汁加生蜜一匙服之或以八正散加麥門冬葱煎

服如小便澀痛以海金沙細末調治之

綱目云胞絡絕則洩血故經曰悲哀太甚則胞絡絕胞絡絕則陽氣內動發則心下崩數洩血也

凡咳而洩血脫形其脈小勁是逆也

凡淋不可發汗汗之必便血便血不止用柿一箇燒存性為末米飲調下

統旨云屬熱屬血虛有因心腎氣結所致或憂勞房室過度此得之虛寒不可專以血為熱而渫二者皆致

溺血熱用小薊湯四物湯煎服效虛用四物湯調牛
膝膏火動榮血妄行者再加黃柏知母虛寒者十全
大補湯加炒蒲黃

滑伯仁曰小便血足太陽隨經入膀胱也

與小腸血同

附方

治房室勞傷小便出血

山藥

一兩

鹿角

五錢

髮灰

二錢

為末苧根搗汁打糊為丸梧子大每服五十九空

心食前白湯吞下

治大小便出血不止

劉寄奴為末茶清調服立止

治尿後有乾血

乾柿餅三枚燒灰陳米湯調服

羅太無髮灰散 治小便尿血

髮灰

本草云髮灰能消瘀血通關格利水道破癰疽血衄丹溪云髮補陰甚捷

右一味每用一二錢以米醋二合湯少許服井花

水調亦可

一法茅草根車前子煎湯調下尤妙兼治肺疽心衄內崩吐血一兩口或舌上出血如針孔若鼻衄吹內立已

葛氏方 治小便出血

當歸

四三
兩酒升

煎一升頓服

肘後方 治尿血

苧麻根十根水五升煎取二升一服效

外臺秘要 治尿血

車前草汁五合空心服 茅草根汁亦妙 或加酒

少許沖服

小薊飲子 治下焦結熱尿血成淋

生地

四兩

小薊根

滑石

通草

山梔仁

當歸

酒洗

淡竹葉

藕節

蒲黃

炒

甘草

各五錢

右每服一兩水煎空心服

丹溪云尿血有實熱者可用當歸承氣湯後以四物湯

加山梔

當歸承氣湯即調胃承氣湯加當歸是也

又方 治溺血屬熱

山梔

炒

水煎服

或用小蘗琥珀 血虛者四物湯加牛膝膏

又方 治血淋

木通 甘草梢 瞿麥 山梔 水煎服

濟生鹿角膠丸 治房室勞傷小便尿血

鹿角膠

五錢

沒藥

另研

油頭髮灰

各三錢

右為末用茅根湯打糊為丸如梧桐子大每五十丸鹽湯送下

王屑膏 治氣虛尿血并五淋砂石疼痛不可忍

黃芪

人參

各等分

為末用大蘿蔔切一指厚三四片蜜淹少時蘸蜜炙乾復蘸復炙盡蜜二兩為度勿令焦至熟蘸黃芪人參末吃不時仍以鹽湯送下

又方 治老人小兒尿血不止

川升麻一兩半作一帖水煎服妙

又方 治虛而尿血

阿膠三兩炙搗為末酒二升和溫服

當歸散 治婦人小便出血或時尿血

當歸

羚羊角

赤芍藥

各五錢

生地黄

一兩

大薊葉

七錢

半

分作三帖水煎食前服

六味地黃丸 治老人尿血及陰虛尿血

玄胡散 治尿血作痛

玄胡索 一兩 朴硝 三分

水煎服

五倍湯 治尿血不止

五倍子煎湯露一宿次早取上面清者溫服

龍骨散 治尿血

龍骨末 一錢 五分

水調服日三服瘥

此二方皆收澁之劑

治溺血血淋方

小薊根 琥珀

二味為末水煎服蓋二味能治下焦熱結

琥珀散 治五淋澀痛小便膿血

琥珀 海金沙 沒藥 蒲黃

各一兩

為極細末每服三錢食前煎萱草湯調下

治血淋及小便閉方

杜牛膝根

二兩

朴硝

一兩

用雪水二碗煎牛膝至一碗去渣入朴硝攪勻空心服

治小便出血莖痛不可忍

淡豆豉一撮

煎湯溫服之甚效

治血淋方

牛膝一兩 黃栢 知母 澤瀉各一兩 麥門冬 天門冬

山梔仁各一兩半 生地黃二兩

為末粥糊丸如梧桐子大每空心白湯吞下八九
十丸

又方 治同上

人參 白朮 川歸 熟地 川芎 山查 茯苓

各八分 黃芪 七分 升麻 三分

水煎服

又方 治同上

牡丹皮 當歸 生地 山梔子 白芍 甘草梢

滑石 澤瀉 白茯苓 木通

各等分每服五七錢加生薑皮二分灯心一分水

煎食前服

下血

素問云結陰者便血一升再結二升三結三升駱龍吉云結陰之病陰氣內結不得外行血無所稟滲入腸間故便血也其脈虛澁因血結不行故下

本事方云如下清血色鮮者腸風也血濁而色黯者臟

毒也肛門射血如線者蟲痔也

仲景云下血先便後血者此遠血也黃土湯主之先血後便者此近血也赤小豆當歸散主之

潔古云 治血下防風為上使黃連為中使地榆為下使 若血瘀色紫者陳血也加熟地黃 若血鮮色紅者新血也加生地黃 若寒熱者加柴胡 若肌熱者加地骨皮 若脈洪實痛甚者加酒浸大黃

生生子曰便血有濕有熱有虛有寒有食積有酒積有

風入大腸治之之法切不可純以寒涼損壞脾胃脾虛尤不能約束其血也故丹溪戒人凡用血藥不可單行單止不可純用寒涼必于寒涼中加辛味為佐久不愈者復用溫藥必兼升舉藥中加酒炒酒煮涼藥如酒煮黃連之類

丹溪曰腸風獨在胃與大腸出治用黃芩秦艽槐角升麻青黛定腸風痛用蒼朮滑石當歸生地黃芩甘草下血屬虛者當溫散之四物湯加乾薑升麻

便血過多者四物湯加蝟皮 有熱者四物湯加山
梔升麻秦艽阿膠 有兼風者蒼朮秦艽芍藥香附
胃清血非藍實不除

玄珠經云大便下血曰腸風切勿止澁究其本末症狀
先清其表後攻其裏其血自止如脈洪大又當以四
物合解毒湯調理

熱則流通虛則下溜故便血屬熱屬虛亦有風傷肝而
下陷及濕盛而傷血者 熱而下血或清或濁宜四

物湯加黃芩山梔炒槐花秦艽膠珠虛者四物加乾薑升麻涼藥隨虛實加減 風傷胃獨下清血者宜四物湯加防風升麻荆芥柴胡升提之 濕入腸胃

下如豆汁色者宜四物加蒼朮白朮黃連黃柏地榆槐花 陰虛下血無熱者十全大補湯加止血之劑 統旨云便血或清或濁或鮮或黑或在便前或在便後或與泄物並下此由內外有所感傷凝停在胃隨氣下通亦是妄行之意便血清者屬榮虛有熱濁屬熱

與濕色鮮者屬火黑者火極先血後糞為近先糞後
血為遠與泄物並下者屬有積在內或絡脈傷也並
宜分治又當別其色而分寒熱也色鮮多因腸胃蘊
熱必是飲酒過多辛熱燂灸之故也宜連蒲散或黃
連阿膠湯色瘀或因寒邪凝滯血逐冷氣入客腸胃
宜理中湯加膠珠炒黑香附其應甚捷大抵下血後
必以胃藥收功胃氣回血自循其經絡矣

伏暑純下鮮血黃連香薷飲治之

方見傷暑門

風熱流入大腸經下血不止敗毒散治之

方見傷風門

風濕乘虛入於腸胃下清血或下瘀血

胃風湯治之

滑伯仁曰大便前後下血便前由手陽明隨經下行滲入大腸傳于廣腸而下也便後由足陽明隨經入胃淫溢而下者也古人謂近血遠血者是也又有所謂

腸風臟毒者腸風則足陽明積熱久而為風風以動之也臟毒則足太陰積熱久而生濕從而下流也風則陽受之濕則陰受之

和中去濕之劑

東垣升麻補胃湯 治宿有腸血症因五月大熱吃杏

腸癖下血遠三四尺散漫如篩腰沈沈然腹中不痛

血色紫黑病名濕毒腸癖是陽明少陽經血症

升麻

柴胡

防風

各一錢半

羌活

一錢

當歸身

葛根

各三

分獨活 白芍 生地 丹皮 熟地 甘草 各各五分

黃芪 一錢 肉桂 少許

水煎食前服

和中益胃湯 治太陰陽明腹痛大便常澹泄設不泄
即秘結在後傳為濕熱毒下鮮紅血腹中微痛脇下
急縮脈緩而洪弦中指下得之按之空虛

熟地 三錢 歸身 酒洗 甘草 炙 益智 各三分 升麻 柴胡 各五分

蘇木 一分 藁本 二分

水煎食前服

升陽除濕和血湯 治腸癖下血另作一派其血卻出
有力而遠射四散如篩下春二月中旬日下二行腹
中大作痛乃陽明氣沖熱毒所作也當升陽去濕熱
和血脈不兩服而愈

生地 丹皮

甘草

生炙各五分

白芍

一錢半

熟地

黃芪

各一錢 升麻

七分

歸身

蒼朮

秦艽

各三分

肉桂

陳皮

各二分

水煎食前服

當歸和血散 治腸澼下血濕毒下血

槐花 青皮 荊芥 熟地 白朮 當歸 升

麻 各一錢 川芎 四分

為末食前米飲調下

椿皮丸 本事方

臭椿皮 十四兩 蒼朮 枳殼 各二兩

為末醋糊丸梧子大空心食前米飲下三四十丸

玉屑丸 治腸風瀉血久不止者

槐根白皮 去粗皮

苦楝根 去皮各三兩

椿根白皮 四兩三味于九月後

二月前採陰乾

天南星 半夏

各五錢並生用

葳靈仙 一兩 寒食麵 三兩

右末滴水丸梧子大每服三十丸以水一鍾煎沸下丸子煮令浮以匙抄起溫溫送下不要嚼空心食前服有人下血幾盈盆頓爾疲姜諸藥不效許學士以此治之良愈

槐花飲 治腸風有濕脹滿下血

蒼朮 厚朴 陳皮 當歸 枳殼各一兩 槐花二兩 甘

草 烏梅

各五錢

每服一兩水煎空心服

治下血方

椿根白皮

去粗皮

枯白礬

一兩

甘草

滑石

等分

血竭

五錢

人

參

三錢

黃連

二錢

共為末米飲下

治寒之劑

烏荊丸 治腸風

川烏頭

一兩泡
去皮尖

荊芥穗

二兩

為末醋丸桐子大每服二十九丸酒送下白湯亦可
下病發時日進三服不發時日進一服

黃土湯 治先便後血名遠血

粉草 熟地

白朮

附子

炮

阿膠

黃芩

已上各
三兩

灶中土

半升

右七味以水八升煮取三升分作三服

赤豆當歸散 治先血後便名近血

赤小豆

五兩浸令芽出晒乾

當歸

一兩

為末白湯調下二錢日三服 梅師云治熱毒下

血或因食熱物發動以赤小豆杵末水調下方寸

匕

又方 治腸風

赤小豆

黑炒

為末每服二錢米飲調下由此觀之赤小豆寒熱

皆能治也

益智和中湯 治腸澼下血紅或深紫黑色腹中疼腹
皮惡寒右三部脈中指下得之俱弦按之無力關脈
甚緊肌表陽明分涼腹皮熱而喜熱物熨之內寒明
矣

升麻 甘草

炙

歸身

黃芪

各一錢

葛根

益智

半

夏 丹皮 柴胡

白芍

錢半

桂枝

肉桂

乾薑

少許

水煎食後服

羅太無治真定摠管因危強飲酸酒得腹痛次傳泄瀉
十餘日便後見血或紅或紫腸鳴腹痛醫以諸見血
皆熱治以芍藥栢皮湯之類前証如故仍不欲飲食
食則嘔酸形體愈瘦面青黃不澤心下痞惡冷物口
乾時有煩躁不得安卧請予治之診得脈弦細而微
遲手足稍冷內經曰結陰便血一升再結二升三結
三升又曰邪至五臟則陰脈不和陰脈不和則血留
之結陰者病陰氣內結不得外行血無所稟滲入腸

間故便血也以平胃地榆湯主之

蒼朮

錢一

厚朴

陳皮

茯苓

白朮

乾葛

甘草

各五分

乾薑

當歸

炒麴

白芍

人參

益智仁

各三分

地榆

七分

升麻

黑附子

炮各一錢

生薑三片棗二枚水煎食前溫服

此藥溫中散寒除濕和胃數服病減大半又灸中

脘二七壯引胃氣上升次灸氣海百壯生發元氣

以還少丹服之以長肌肉至春再灸三里三七壯

治脾壯胃生發元氣次服芳香之劑慎言語節飲食而安

王海藏云治楊師醉醒發大渴飲水三大盞又飲冷茶三碗後病便鮮血四次得一盆先與吳茱萸丸次日又與平胃五苓各半散三大服血止後自利又與神應丸四服自利乃止或問曰何不用黃連之類以解毒予曰若用寒藥其疾大變難治寒飲內傷復用寒藥非其治也況血為寒所凝入大腸間而便下血溫

之乃所以得熱則自止

楊氏飲冷酒瀉血對金散止之亦是理中脘分別陰陽
安定血脈之意也 唐生病因飲酪水及食生物下
利紫黑血十餘行脾胃受寒濕與六神平胃散半兩
加白朮三錢以利腰臍間血一服愈

胃風湯 治大人小兒風冷乘虛入客腸胃水穀不化
泄瀉注下及腸胃濕毒下如豆汁或下瘀血日夜無度
人參 茯苓 川芎 官桂 白朮 當歸 芍藥

各等分

每服五六錢加粟米百粒同煎稍熱服若加熟

地黃芪甘草

等分

名十全大補湯若虛勞嗽加五味

子有痰加半夏發熱加柴胡有汗加牡蠣

虛寒加附子寒甚加乾薑皆依本方等分骨蒸

發熱飲食自若者用十補湯加柴胡一兩氣弱加

人參小便不利加茯苓脈弦澁加川芎惡風

加官桂脈澁加當歸腹痛加白芍胃熱濕盛

加白朮

草豆蔻散 治丈夫傷血婦人血崩漬入大腸出血

草豆蔻

栝榔

各炒
紫色

鶯粟殼

燒灰

等分為末每服二錢米飲下

濟生剪紅丸 治臟腑虛寒下血不止面色痿黃日久

羸瘦

側柏葉

炒黃

鹿茸

火去毛
酥炙

附子

炮去
皮臍

川續斷

酒浸

黃芪

阿膠

蛤粉
炒

白礬

枯五
錢

當歸

酒浸各
一兩

為末醋煮米糊為丸如桐子大每服七十九空心

米飲下

羅太無結陰丹 寒濕下血者為結陰治腸風下血臟
毒下血諸大血疾

枳壳

麩炒

葳靈仙

黃芪

橘紅

椿根白皮

何

首烏

荆芥穗

各五錢

為末酒糊丸桐子大每服七十丸陳皮飲入醋少
許煎過少冷送下

血熱之劑

黃連湯 治大便秘後下血腹中不疼謂之濕毒下血

黃連

當歸

各五錢

甘草

炙錢五分

水煎食前服

聚金丸

治腸胃積熱或酒毒大便秘下血腹中熱痛煩

渴脈弦數

黃連

四兩四製生一兩酒炒一兩
灰火煨一兩姜汁炒一兩

黃芩

一兩
防風一兩

右為末糊丸桐子大每服五十丸米泔浸枳殼水

下

保命集芍藥黃連湯 治大便後下血腹中痛謂之熱

毒下血

芍藥 黃連

當歸

各五錢

淡桂

五分

甘草

炙二錢

大黃

右每服一兩水煎服 如痛甚者加木香檳榔末

各一錢調下

拔萃涼血地黃湯 如飲食不節起居不時陰受之陰

受之則入五臟入五臟則填滿閉塞下為飧泄久為

腸澼水穀與血另作一派唧出也時令值夏濕熱太

盛正當客氣勝而主氣弱也故腸澼之証甚此湯主之

熟地

當歸

青皮

槐花

炒各五分

知母

炒

黃柏

炒各一錢

水煎服 如臍下悶小便澀或大便後重調木香
檳榔末各五分稍熱空心服如裏急後重又不去
者宜下之如有傳變隨症加減治之

一方

槐花

荊芥穗

各等分

為末酒調下一錢半空心仍食猪血妙

連蒲散

黃連

蒲黃

炒各一錢二分

黃芩

當歸

生地黄

枳壳

麤皮炒

槐角

芍藥

川芎

各一錢

甘草

五分

如酒毒加

青皮乾葛去枳壳 濕毒加蒼朮白朮

水二鍾煎一鍾食前服

槐角丸 治五種腸風下血痔漏脫肛

槐角

三地榆

黃芩

當歸

防風

枳壳

麤炒各二兩

右為末酒糊丸桐子大每服七十丸空心米飲下

大臟丸 治腸風下血及痔疾神效

黃連

半觔去蘆為末入肥大腸臟頭一段內前後用線縛定蒸爛為度

搗為丸桐子大每服百丸空心米飲下

秘方栢葉散 治便血甚効

扁栢葉

晒乾為末

糯米

炒黃為末等分

每服五錢空心白湯調下如未止再加炒黑木耳

末一錢

又方 治臟毒不止

當歸 枳殼 側柏葉 槐角 百草霜 芍藥 各

兩

右共一處炒令烟微起為度研末每服二錢空心
溫酒調下日午米湯下甚妙

又方 治積血便血

蒼朮 陳皮

各二錢五分

黃柏

黃芩

各七錢五分

連翹

五

右為末以生地黃膏六兩為丸桐子大空心及食

前白湯下七八十丸

丹溪方 治脈緩大口渴便血及婦人月水紫色勞挾

濕熱

白朮

錢五

地黃

黃栢

炒

白芍藥

錢各三

地榆

香附

各二

錢

黃芩

錢一

為末鉦餅為丸

又方 治便血久久傷血并麻風症癬瘡見面者

龜板

二兩

升麻

香附

錢各五

白芍

兩半

側栢葉

一兩

椿根皮

七錢
五分

為末粥丸桐子大以四物湯加白朮黃連甘草陳

皮煎湯下

槐花散 治腸風臟毒

槐花炒 側柏葉焙

荆芥

枳殼

炒等分
俱為末

每服二錢米飲下空心食前服

又方 治下血

槐花

炒

枳殼

炒

地榆

蜜炒

各三錢

水煎露一宿頓溫空心服

栝黃丸 治腸風臟毒下血鮮紅

生地黃

黃栝

炒各一觔

為末煉蜜丸桐子大每空心食前米飲下八九十

丸

枳殼散 治諸便血

枳殼

麩炒黃
色十兩

甘草

炙三錢

為末每服一錢空心米飲調下酒煮黃連丸

酒煮黃連丸

黃連

去蘆十
二兩

好酒五升

煮黃連以酒
乾為度焙乾

為末麵糊丸桐子大每服三十丸空心服

加減四物湯 治腸風下血

側柏葉 生地 川歸

川芎

各八兩

枳殼

槐花

炒

荊芥 甘草

炙各四分

地榆

條芩

各六分

防風

六分

加烏梅一個薑三片水煎服

參栢丸 治腸風下血

苦參 黃柏

等分

為末酒打米糊丸空心酒吞百丸

補虛之劑

竹茹湯 治婦人汗血吐血尿血下血

竹茹

熟地

各二兩

人參

白芍

桔梗

川芎

當

歸

甘草

各

桂心

各一兩

每服一兩水煎食遠服

參苓白朮散

治脾氣虛不能約束其血或為寒涼藥

傷以致飲食少進面色痿黃

補中益氣湯加阿膠蒲黃 治清氣下陷中氣不足下

血不止

十全大補湯 理中湯 胃風湯

雜方

固榮散 治吐血便血

白芷 五錢 蒲黃 炒 地榆 各一兩 甘草 一錢五分

右為末每服二錢溫酒調服氣壯者加石膏一兩

一方 治糞後下血不止

艾葉汁 生薑汁 各三合和服

一方 治中毒下血

刺蝟皮

炒成珠

為末每服二錢水調下日三服

烏梅丸 治便血下血

烏梅

三兩燒存性

為末醋糊丸桐子大空心米飲下七十丸

一方 治便血

白芷 五倍子

為末粥丸桐子大每服五十丸米湯下

靈苑方 治腸風下血久不止

茄蒂

煨存性
為末

每服三錢食前米飲下

丹溪云茄蒂燒
存性山梔炒等

分為末丸之米
飲吞下百丸效

本事方 治腸風

絲瓜

燒存性

空心酒調下二錢

五槐丸 治臟毒

五倍子

槐花

陳者

百藥煎

好者各等分

為末酒糊丸桐子大每服廿丸空心米飲下日三服

又方 治腸風臟毒酒痢下血

黃連 生薑 二味煎湯下二氣丸次服五槐丸

又方

金星草

五兩味苦寒
大解丹石毒

陳乾薑

右為末空心新汲水調下一錢

蒜連丸 治臟毒

黃連為末以大蒜煨熟去衣研和丸桐子大每服五

十丸陳米飲下

蒜能清血

東垣烏梅丸 治腸風下血

真僵蚕 烏梅肉

各一兩
焙乾

為末糊丸鷄頭子大每服百丸白湯吞下日三服

一方 治腸風下血

馬鞭草搗自然汁服良

一方 治腸風下血及血崩

丹溪云亦治汚血

五靈脂

炒去火為末

每服二錢

二麴散

治酒積下血不止糞後見諸藥不效者

神麴

兩半

白酒藥

二丸

俱為末清水調捏成餅子慢火上炙黃為末每服二錢白湯下亦治泄瀉神效

丹溪方 治腸癖

陳年棕櫚燒存性百藥煎為丸服

又方 治臟毒便血

生藕節切片清晨蘸平胃散嚼下

治腸痔大便常血

葱白

三五觔
煎湯

盆中坐浸之瘥

又灸法 平直量骨脊與臍中處椎上灸七壯或年深者更于椎骨兩傍各一寸灸七壯除根

治腸風下血

椿根皮

好酒濃煎服即愈

治下血不止

木賊

二兩作二帖水煎空心服如人行五里再服

九竅出血

耳目口鼻大小便皆出血者是也

黃金散 治九竅出血

牛黃

鬱金

等分為末

血餘散 治血淋兼治內崩吐血舌血小便出血

亂髮

皂角水洗淨晒乾燒灰為末

每服二錢以茅草根車前草煎

湯下

本草謂髮灰消瘀血通關格利水道破癥瘕血
衄有人生血瘤大如栗常被衣擦破則血出不

止血餘灰敷之愈一人刀傷血流不止用胎髮灰敷之立愈

孫真人治九竅出血用黃荊葉搗汁酒和服之

丹溪治九竅出血以大薊一握搗汁以酒和服之如無
生者以乾者為末冷水調下三錢

一方 龍骨末酒煎通口服

中蠶下血

綱目云唾水沈者心腹絞痛下血如爛肉者為蠶

千金方 治中蠱下血如鷄肝出其餘四臟俱壞惟心未毀或鼻破待死取馬蘭根末水服方寸匕隨吐即出極神此苗葛蔓綠紫生子似橘

梅師方 治卒中蠱毒下血如鷄肝晝夜不絕臟腑敗壞待死用白蓂荷葉密置病人卧席下勿令病人知覺自呼蠱主姓名

百一選方 治中蠱毒或吐血下血如爛肝者取蚯蚓十四條以苦酒三升漬之蚓死但服其汁已將死者

皆可治

千金翼 治蠱毒下血蝟毛燒末服方寸匕當吐蠱毒
肘後方 治中蠱吐血下血皆如爛肝者

苦瓠一枚水二升煮取一升服之吐即愈

又方 用苦酒一升煮苦瓠令消服之神效

金瘡出血

軍中方 治金瘡出血不止

半夏生用為末摻之緊扎立止

又方 風化石灰五月端陽日取苧葉搗汁拌勻做成
大餅子陰乾每用研極細末罨上立止

桃花散 治金瘡出血及杖瘡

風化石灰

一觔

將軍末子

四兩

先將灰炒漸投將軍末子

候看灰如桃花色即止每用少許敷之血立止杖
瘡以調做膏藥貼之

一方 胎髮傳之立止 三七末罨上立止 血竭末
末傳之立止

一子墮車血滯于中

大黃

川歸

各等分

每服一兩水煎服或五錢

血鬱湯

桃仁

香附

撫芎

紅花

青黛

等分

石糊丸

桐子大每服白湯下四五十丸

赤水元珠卷九